

IQRA'

Bil. 4/2022
APRIL

eISBN : 2735-1920



**Majlis Sanjungan Budi Ketua Pustakawan
Ts. Noor Hidayat bin Adnan**
PTAR Shah Alam - muka 4




**Program Khidmat Masyarakat: Kongsy
Rezeki Bubur Lambuk & Pek Ramadan**
PTAR Jasin - muka 14



**Live@PTAR: Tazkirah Ramadan -
Keutamaan 10 malam Terakhir Ramadhan**
PTAR Kuala Terengganu - muka 17



Jom Baca Bersama 10 Minit@PTDI
PTAR Segamat - muka 30



Quran Hour@PST
PST Shah Alam - muka 38

PROMOSI@PTAR



PROGRAM KHIDMAT MASYARAKAT: KONGSI REZEKI BUBUR LAMBUK & PEK RAMADHAN PTAR UiTM CAWANGAN MELAKA 22 APRIL 2022

Disediakan oleh: Ilya Nur Fateen Othman



Pada 22 April 2022, Perpustakaan Tun Abdul Razak UiTM Cawangan Melaka Kampus Jasin telah mengadakan Program Khidmat Masyarakat: Kongsi Rezeki Bubur Lambuk & Pek Ramadhan PTAR UiTM Cawangan Melaka. Program ini adalah merupakan program khidmat masyarakat PTAR UiTM Cawangan Melaka yang mana tujuannya adalah untuk berkongsi rezeki kepada warga Kampus Jasin. Disamping itu, program ini juga memberi peluang kepada individu yang ingin memberi sumbangan ikhlas dalam mengimarahkan program di samping menderma.

Program Khidmat Masyarakat PTAR UiTM Cawangan Melaka dengan mengadakan agihan bubur lambuk kepada semua warga UiTM Cawangan Melaka, Kampus Jasin termasuk pelajar-pelajar yang menginap di kolej penginapan pelajar, juga kepada semua kakitangan pembersihan bangunan dan kawasan Kampus Jasin. Sebanyak 864 pek bubur lambuk yang dapat diagihkan kepada warga UiTM Cawangan Melaka Kampus Jasin. Agihan bubur lambuk ini turut disertai oleh Penolong Rektor Kampus Jasin, Dr. Siti Normah binti Awang Tuah. Dalam agihan ini juga, Timbalan Ketua Pustakawan, Puan Noor Hayati binti Abu Kassim telah menyampaikan bakul agihan Pek Ramadhan kepada 3 orang kakitangan pembersihan perpustakaan dan 3 orang pelajar asnaf yang terpilih.

Antara aktiviti yang dijalankan sepanjang program adalah seperti berikut:

1. Berkongsi rezeki kepada yang memerlukan.
2. Menjalinkan ukhuwah bersama warga Kampus.
3. Menjalankan kerja-kerja amal khidmat masyarakat melalui sumbangan masa, tenaga dan kepakaran secara sukarela di bulan yang mulia.
4. Mewujudkan keterlibatan komuniti dan meningkatkan ketampakan (visibility) antara warga Perpustakaan Tun Abdul Razak (PTAR) UiTM dengan pihak luar.

